

委羽山圖



第一

卷

二
三
四
五
六

委羽山志

蔣宗瀚藏





TIFFEN® Color Control Patches © The Tiffen Company, 2007

卷

羽

山


德清俞樾題



浙江黃巖委羽山洞碑

（知黃巖縣事孫熹撰并書）

余臨蒞黃邑即聞人道委羽山之陽道家所謂
第二洞天者也值地方多故之歲是出入不遑於
遊今年秋方得稍暇乃與二三賓僚聯轡造訪山
雖不深而林谷蔚秀石壙松風翛然出於塵埃
之外洞口為劉前令老甯壁記并大書洞名於
上惜歲久幅裂唯壁尾鏤記完好而冰蝕苔
封字跡庶幾不辨劉君為邑賢宰去今百餘
年其流風善政父老猶有稱述之者余不忍是
記之久而磨滅也爰以補書洞名更泐石於故
處而截取碑尾數諸洞壁以昭其舊且誌余心
之嚮往云爾同遊者為楊大令蕉隱劉前令
雪高沈參軍臨之許君可軒鄭君月汀也宜王
君柳門龔二尹補生鼎少尉耀南也時在同治
九年歲次庚午秋七月吳縣孫熹識并書



同治九年歲次庚午
陽月委羽石室重梓

委羽山志序


越中名山如天台雁岩括蒼會稽山陰未易更僕數委羽在諸山中大不踰撮而居天下洞天之二所謂山不在高有仙則名矣跡其往事軒轅藏書奉林控霍季主釣鯉范錡賜鏞其較著者也又傳洞之異有霓裳仙姊逍遙杉檜松竹間洞前有琪樹如吾揚之瓊花入洞深窅叵測行數日不竟方井可煮丹井端井泉可療疾諸仙秘景有非耳目所睹記者第其勝概雜出於真誥靈笈述異登真諸書而無崑紀茂才胡生伯舉博采羣籍

搜括遺文及騷人片語墨士選題悉哀而彙之曰委羽
山志斯志成而千百瑰異之蹤眩心驚目大有空明之
天始得有所稱說攷證巍然跨越中諸勝而帝之矣不
佞領是邑樸樾無所長顧有康樂之僻常飛鳥來雀亭
過二徐草堂尋劉李司馬之遺而未得其全若胡生者
實獲我心古今在手烟霞在胸卽上眞寶籙何以加此
假合秦漢之君逆睹斯志又何必引領蓬壺塞裳泗島
也耶抑不佞又有感焉塵埃野馬以息相吹譬彼空花
還結空果惟是青山白雲煞有脚力士君子苟得目不


朽之技託之名山便足千古廼胡生耽耽好古厭棄公
車業願勒一家言藏之此山中意念誠遠矣此志其一
也余故喜而爲之弁諸首萬曆壬寅春仲海虞張仲孝
百原甫書于黃邑之靖共堂

委羽山志小引

予少習章句迨萬曆庚子恥列諸生遂有煙霞之癖所
游名山勝水各有其誌歎吾邑委羽道書祇爲第二洞
天可無紀勝之編乎爰覽郡邑志乘僅記丌事何異目
蠡測海助予喟然太息迺索群籍詢
得爰人李希英攷訂爲目者七爲卷者六丌題詠或已
往所未聳將來所未艾者別爲附遺以錄之書成進于
邑大夫海虞張侯披閱仍捐金目壽諸梓竣工則壬寅
二月初吉也



懷冲道人胡昌賢識



委羽山志凡例

一吾邑自方氏兵起載籍已罹煨燼至我朝嘉靖

壬子又遭寇變益罕其傳余緣是探索博訪有年

始克成志然叢見有限觀者弗以遺漏爲訝

一委羽山有黃帝藏丹經事絕邑志乘皆不載予閱

脩行記始撮其事列于傳首

一本山原名翠龜一名龜茲一名俱依至周劉奉林

控復因名委羽軒轅傳中次稱委羽此从

進脩行記後述故也如本傳稱會稽天台

之類

一詩專咏委羽者則不更書丁題閒有兼別意者則

隨丁原題錄入若詩出工拙自有濼眼在

一姓氏係異方者皆著丁地惟本邑不書从簡便也

丁老人蔡必照鐫

凡例終

委羽山志目錄

一卷

山圖

形勢

勝蹟

宮室

二卷

僊道

三卷

記文

四卷


題咏

五卷

題咏

六卷

題咏



目錄終

委羽山志卷一



文林郎黃巖縣令海虞張仲孝發刊

邑人

胡昌賢伯舉修輯

李邦穉布英叅攷





形勢

鬱鬱竈音丘茲音慈孤峰崔嵬其接壤也西亘蓋竹東望蓬萊南連雁宕北控天台其近觀也方山崇崇峭拔于左江水湯湯旋遶于右群龜崢嶸拱揖于前百雉布列環抱于後然山雖小而體勢如虎之踞如鳳之集故諸仙常栖跡于其中宜為十大洞天之二 二當作一

勝蹟

委羽山 在黃巖縣治南五里形類龜故名 翠龜一名龜 茲一名俱依軒轅黃帝藏丹經于此周劉奉林 慕為仙聖窟宅自嵩山徙居焉丹成控崔上昇陞 大翻于山樹人因名為委羽山云周李八百趙伯玄

漢西震子都司馬季主輩數十人皆於此得道詳載本傳

委羽洞 在山之東北按十大洞天記云第二為委羽山 洞周廻一万里名大有空明之天在台州郡司馬 季主為大有真人所理一云青童君主之登真隱訣 真誥皆云委羽山天下第二洞號大有空明之天舊 傳有道才負燭一篋然入洞中行數日燭盡然指隘 之脊櫓聲而返疑與東海相通云又嘗有羣女纛衣 洞口或消搖于松杉竹柏之下遙望之形色婉媚即 之不可得昏莫或叩里人門求水火規之迤邐从洞 中去里人怪之穢其處越日其家火室廬一空自是 不復見矣輟畊錄亦載其畧赤城類考云洞前舊有 石碑上刻劉奉林像歲久殘剥元至正間道士嚴中 重立後有牧童戲于下以石擊中右目目隨剥落童 懼逃歸迨至門右目痛甚遽亡

淇園 在山岡上皆菉竹茂密凌霄有似淇澳之產故名

赤鯉巖 在山之北江中相傳司馬季主嘗釣于此而得
鉅鯉色純赤故名

方石 產山中色類磁石大者如骰子以至極細如莧實
者皆有稜角方正光澤琢削天成煮水服之可以
療疾舊載云方石雖百碎皆方非也

東仙源 在洞前百餘步按七十二福地記云第六東仙源在台
州福地七籤云東仙源在黃巖地 仙劉奉林主之

丹井 在洞前相傳羣仙皆取此水煉丹故名其深不及
三四尺旱潦水無增損味甘天將雨則水面轉綠

大雨則大綠小雨則微綠宋范錡董大方嘗以此水
治病

瑞井 在洞前二百餘步宋景定中王珏杜文甫李景文
景傳共鑿珏自為文記之

琪樹 產洞前垂條如弱柳結子如碧珠其子一年者青
二年者碧三者紅綴條上璀璨相間即孫綽天台

賦謂琪樹璀璨
而垂珠是也

鳳竹 嘉靖辛酉山中竹皆生樁純類烏文羽赤喙大如
掌人呼為鳳竹

鏞 卽宋徽宗賜范真人鐫者置大有宮中叩之其聲洪
亮聳數十里墜而復續或自鳴則天必雨山必崩歷

元至我 朝因廢淪落民間洪莖甲子邑合收復禁
鐘至正統癸亥掌縣事本府通判周旭鑑復納本宮

嘉靖丙午邑合林人紀遷于儒學明倫堂為聲教之
器壬子寇襲紐斷墮地尚不毀後訓導潘臺續紐復

設虞置于堂右今鏞上有款
識可考餘詳載鐫傳中

宮室

大有宮 公山東北一里許舊在洞前一百二十步因取
大有空明之天而名竊建莫考隋蕭子雲題額

至宋紹興壬戌邑合李端民重修道士董大方立之
更名為委羽道觀少卿謝伋記淳熙丙午邑合鄭克

已又修後圯咸淳丁卯道士王中立重建詔賜舊名
大有宮景炎丙子燬下寇祥興戊寅中立欲卜遷得里

人趙司理崇暇地于印山側遂改建焉又得里人趙令必岳捨田二頃倡助及成軒殿宏麗宮觀為兩浙冠學士承旨留夢炎記元至正壬辰道士嚴中重建洞前道觀後圯其中立所遷印山宮至洪武戊辰圯惟存正殿永樂戊戌又為風雨摧壞宣德甲寅通判周旭鑑重建禮部侍郎錢習禮記嘉靖丁巳邑令汪汝達修兵部郎中金立相記

委羽寺

在洞前三國吳赤烏中建名東源寺因東仙源而名歲久圯壞重建莫考元至順辛未僧無住重遷于山陽侍講學士黃潛記皇明永樂丙戌毀于火丁亥復建于舊址以今名嗣後圯建不一萬曆壬午復修葺云

來雀亭

在山頂元末劉德玄建

二徐宅

在山之西宋名儒徐氏行構崇寧中羅提刑適李郡守諤相繼疏薦皆不就時章蔡柄國竄逐

善類每聞輒泪下盡毀其所為文變易冠服自臨海入委羽山中居焉子庭筠能世其學後朱子賦詩

有道學傳千古東甌說二徐門清一壺水家富五車書之句詳載宋史陳忠肅公集朱子大全赤城詩集

赤城文集石子重所作墓志及郡志邑志

古樵隱者居

元商復古號古樵隱者宋侍郎飛卿裔孫少穎悟不凡敦尚志節積學續言遭天下多故自臨海挈家居於委羽山中鶻冠鶻衣采樵樹藪以給朝夕候親左右无違教子弟以孝弟或勸之仕則曰物各有適仕非吾願也

雲中生草廬

許弼字廷輔邑人抱文武才畧元末養晦自高結草廬山中居之自號雲中生至國朝首開文教遂出就試舉鄉試第二官終沔陽倅詳見宋太史集

六先生祠

在山之東元至正甲辰樞密副使邑人劉仁本建以祀宋雋徐中行徐廷筠趙師淵杜燁

杜知仁郭磊卿六人
詳見文獻書院碑記

朱文公祠

去山之東一里許嘉靖丙辰邑令汪汝達
崇崇院以祀文公又以邑之及門者杜燁趙

師淵林鶴杜知仁林嵩趙師夏趙師雍杜貫道池從
周趙師端趙師歲十一人配春秋二祭

文獻書院

在山之東元劉仁本建以祀朱文公配以杜
清獻公福建叅政李震遠記

紫陽書院

在朱文公祠後
邑令汪汝達建

委羽山志卷一

委羽山志卷二

邑人

胡昌啓伯舉修輯
李邦穉希英叅考

僊道

太古

軒轅黃帝慕道周游四方求解三一真氣之要遂南浮

于江登會稽至天台受金液神丹之方鍊九鼎出母

于縉雲出丹止昌丹灑傳於玄子重盟而付之以丹

經藏于委羽山承昌美玉覆昌盤石金簡玉字刻其

文夏禹得此書合丹成道藏于會稽山漢張道陵得此書合丹成道藏于雲台山

又以靈寶五符真文金簡書之一通藏于鍾山一通

藏于宛委山見修行記仙史又金太微黃書經云天

真三皇藏八會出文於委羽山按吳越春秋云禹案

東南天柱號曰宛委夷帝在闕其巖之巔承呂文王

覆以盤石其書金簡青玉為字編以白銀皆瑑其文

禹乃東巡登衡嶽血白馬以祭不幸所求禹乃登山

仰天而嘯因夢見夫繡衣男子自稱玄夷蒼水使者

聞帝使文命于斯故來候出非厥歲月將告以期無

為戲吟故倚覆釜之山東顧謂禹曰欲得泰山神書

者齊于黃帝巖嶽之下三月庚子登山發石金簡之書

存矣禹退又齊三月庚子登宛委山發金簡出書案

金簡玉字得通水之理按此即靈寶五符真文耳與

委羽藏同而書異非一事而誤錄也

周

李八百名脫蜀人修長生之道于筠陽又龍岡曆夏商

迨周八百歲又動則行八百里皆人因號李八百周

穆王時歸蜀金堂山合九華丹丹成太游又岳陟王

屋登括蒼至天台入委羽遍歷十大洞天二百餘年

還蜀後於三學山上昇號紫陽真君見混元實錄九

劉奉林學道于嵩山能閉氣三日不息積四百餘季三

合神丹為邪物所敗但服黃連得不死慕俱依山乃

仙聖窟宅自有神物護持即徙居焉丹成服之遂控

委羽山志 卷二 二 雙砂齋
崔上昇墜大翻于山椒後人因名爲委羽號劉爲大

有真人云

見素仙子傳真誥仙史雲笈七籤三台怪真志一統志

明禮部主事章陔贊曰醇然其躬粹然其容與羽爲徒翱翔太空委山椒之脩翮遺萬古之遐蹤想彌節于方丈希逸駕于閭風倘震丹之可就期脫屣以相從

趙伯玄不知何許人嘗師萬始先生受書成道當登金闕而無招靄致真豁落七元二符退居戎山七年從詣真小童依盟受之誓于委羽山得昇爲上清左司

君

見真王光八景飛經仙苑編珠

漢

西靄子靄老人玄仙女也嘗于委羽山脩道四方从出

者甚衆後白日昇元

見洞仙傳仙史廣列仙傳

司馬季主楚人卜于長安東市賈誼宋忠相謂曰吾嘗古

之聖人不居朝廷或在卜醫之中遂同游卜肆茸季主譚論相與嘆異而卒後季主攜子女入委羽山大宮中師西靈子靄受石精金光藏景化形出道道成顏如少女鬚三尺黑如漆既上昇畱枕席呂代形

如其真身令家人葬於蜀盤山之南

見洞仙傳真誥雲笈七籤仙史

廣列仙傳

鮑赤陽甯人趙王張耳張敖之大夫也少好養生服桂

屑與司馬季主同在委羽山師西靈子都後尸解洞

仙傳仙史廣列仙傳

周羨山字季道汝陰人周勃七世孫自幼好道嘗來

委羽山遇司馬季主盡得其術後於桐柏山得道又

還常山石室中精修九十餘年白日昇天見內傳仙史

劉諷字偉恩潁州人仕為公車司馬嘗師司馬季主得

服日月精華出道數至委羽後還家托形杖履而公

見仙史廣列仙傳

黃子陽後魏人學道博落山中九十餘年但食桃皮飲

石中黃水後入委羽問道于司馬季主季主以導仙

八方與之遂能度世見登真仙訣

司馬恣育季主子也濟華季主女也皆在委羽山得道

見真誥仙史

青童君不知何許人嘗至委羽山修道道神光四徹遂

遍游天下名山不知所終見石室登名記

中元丈人不知何許人得道於委羽山見摭仙傳

青谷先生嘗修九息服氣之道師中元丈人于委羽山

後合爐火大丹服出得仙見樂史摭仙傳

青廬子嘗與青普先生同師中元丈人於委羽有變化

之術見摭仙傳

段季正不知何許人嘗在委羽山修鍊得仙見石室登名記

晉

葛洪字稚川句容人好祕仙導引之法嘗至邑丹崖委羽又取邑西定光觀前池水鍊丹至今池水時或飛

梁

躍見登真仙訣永安燃話

蕭子雲字景春南齊高祖之孫封罷公嘗好神仙師事

杜曇永得其秘訣每至委羽鍊丹手書大有宮額一

日有仙人降庭中言郁木溪可以久居乃徙入焉後得

上帝玉册封為袁州長史無何輕舉見脩真錄仙史廣列仙傳

唐

辛愔泰山人家子縉雲少自明經擢第授夾江尉棄官歸隱括蒼山志慕道術一日與青蓮觀道士飲于阮

客洞酒中忽仆地七日乃悟云初見一人自云雲英邀入洞中石間有物迸出曰此青靈芝也食之得仙

惜取食出自後遂辟穀行如飛乃游天台走城入委

羽得仙見仙史括蒼彙紀一統志

杜光庭字賓聖號東瀛子天台人或作倫縉雲人博極羣書志

趣超邁懿宗時與鄭雲叟賤萬言不中遂入道嘗往

來委羽山中乾符初鄭畋薦于朝僖宗召見賜紫服

充麟德殿文章應制當時推服預知黃巢為亂乞還

乃入蜀青城隱焉中和末王建僭號起之不屈後夢

上帝召為岷峩主司一日披法服跌坐而化年八十一顏色不變異香滿室人謂尸解云見仙史天台志一統志

宋

洪濛子鳳翔人好道與种放劉海蟾為友師事陳希夷

先生後游赤城至委羽山得道見石室登名記

范錡邑人生嘗神光滿室異香三日不斂自幼好道後

修鍊于委羽山得道政和中徽宗有疾諸醫治不効

詔求天下神醫或以錡應詔上召見錡治以符水疾

隨愈賜爵與金皆不受問所志曰願游內府足矣上

許之卽令內官導入遂得遍閱諸寶見上眞玉像及一劍一鏞則撫玩再三內官以聳上卽以三物賜之并賜眞人道號錡以三物投御溝書符置其上須臾不見已而請還山三物自委羽丹井中浮出遂內于大有宮一日筭外至諸神失迎迓禮盛怒口中吐火宮倏自熱其上眞及寶劍凌空而去人以溺穢鏞乃得畱後忽一夕沐浴登樓時夜將半里中聳天樂之音詰旦呾之跌坐而化人謂尸解云賜葬邑鮑奧所製有祘邪天蓬尺其裔孫一龍至今藏焉

董大方邑人有道術紹興中邑令李端民令大方居大有宮大方曰符水治疾輒愈人爭禮之

王中立字定民天台人母將產夜夢有乘白鶴者止於前舍遂生中立自幼穎異過人及長度爲道士居桐柏宮淳祐癸丑來登委羽至夕寢忽夢一羽士手握羽扇其上題云念於明處須堅守事到空時好力行舉以授中立曰三五爲期當復會此若有所屬至理宗度宗皆命隨朝充高士陸鑑義左右階道錄主領西太乙宮一夕復夢前羽士曰尙記前約否中立乃

悟詩中有空明二字此必委羽仙人屬豕以香燈之
傳屈指今十五年蓋三五期也卽以前夢聞于上遂
領度牒以資營建及成仍賜大有宮額尋燬于火後
復改建至元癸未承應得旨護持丙戌以營繕未完奏
乞還京宣授仁靖純素真人賜金冠服寶劍上真壽
星玉像御香等物有語錄藏于桐柏宮史孝祥序

元


北芷泉邑人狀貌神異精通道術至正間旱於大有宮祈
雨禁屠沽旁有淫祠能爲妖邑人畏之有私宰牲以祭

者芷泉輒於本宮焚檄除之其祠忽自火

巖中邑人居委羽有道術至正間賜號弘道通玄大師
仍賜金襴紫服重修道觀刻劉奉林像置洞前

皇明

陳苦字甫申不知何許人元末隱居委羽守道自高間
出游闖闖人問其居則指山示之嗜學能詩文善書
一画落筆過人 國初游江湖已而返故山閉門謝客
証道德經及玄牝賦後莫知所終高太史啓有贈空
明道人詩意者其卽苦云



委羽山志卷三

邑人

胡昌賢伯舉修輯

李邦穉希英叅攷

記文

委羽山紀事

陶宗儀字九成元末邑人

吾台之黃巖諸山脈絡相聯自縣治南陸行四五里有
委羽山焉昂如翔鸞舞鳳俛若伏龜蹲虎長林鬱鬱幽
澗泠泠千態萬狀不可槩其勝中藏洞穴道家所謂空

明洞天是已有好奇賞真之士秉燭而入行兩日不能窮聞櫓聲而返山產方石大者偕骸子小者比粟粒故老相傳昔有靚妝美女當風清月朗時消搖於竹樹之下或變服扣里人門求水火里人異其狀密尾之迤邐從洞中出因以爲怪遂穢其地越日家忽自燬室廬一空惟妻子僅免遂流離他處人謂穢仙境所致自是仙去不復出矣予幼時尚及見其所然故址茲特紀其事云

瑞井記

王珏

字亦寶臨海人宋國子博士權本州事死國難

歲景定癸亥冬余偕杜生用之抵巖邑訪李生景文景

傳二生歎予于委羽山中因尋二徐故蹟竟不能得是以傷道學之淪喪予芳躅于蒿萊徘徊悵望者久之已而相與抵空明洞天時日方午風慙息因畱洞口拂石坐譚黃白之事俄有一樵叟亦息扇于茲焉致辭曰諸君子能談神仙亦知此中琪樹所植之處乎予輩謝弗知叟指曰此前穴者是其處也闔歲久遠忽一夕爲風雷所撥里人斧以爲薪析之有文彩然之有異香家人驚訝舉而棄之江自是無琪樹矣予曰有是哉是瑞也夫地能產異木或者下有異物乃命奚奴掘之甫尺咫

得方石無算須臾有泉湧出其味清冽甘美二生以爲
此地宜井遂命工鑿之因名曰瑞井云嗟嗟物之榮枯
有時出處有數向使子輩不至斯地不遇此叟則琪樹
無徵醴泉閉塞矣固知士有才抱德巖居穴處者不遇
明良延攬則終於草萊而已孰得如是井之名于世也
作瑞井記

重修委羽洞觀記

謝伋字景思上蔡人宋太常少卿寓居本邑

台之黃巖縣南五里有山曰委羽山北有洞父老相傳

數十年前有青衣童子戲洞口居人以溷穢之後竟不
見洞前有道觀紹興中石城李君端民令茲邑暇日謀
農桑至其處始擇道士董大方主之稍給香燈大方以
符水治疾輒愈邑人重其術自是二十年間堂殿門廡
高敞庖厨滂浴具備遂變荆棘爲勝地按大洞記甌越
之區大海之涯地產方石真人劉奉林所居也奉林嵩
高逸士避周季世栖焉控雀輕舉墜一大翮人因名其
山曰委羽云子寓居三童鐘鼓相聳常游茲山及守
縉雲大方遺書求文記之余還書答曰我本山林人主郡

原非所好盍俟歸既而又奉使浙右大立夕復以書來曰
公又度浙而西矣歸期可日月計哉弘農寓公重道相
悅欲成勝事許勒貞珉固請予乃記

重建大有宮記

留夢炎

字文光一西安人宋丞相
仕元翰林學士

前宗陽常靖高士王君中立退處於委羽山重建大有
宮將成至元癸未被召畱四載寵眷甚隆賚予甚渥屢
請還山久之得遂仍授仁靖純素真人賜本宮護持聖
旨并眞武玉像金堂二區永鎮名山於此以休哉王君具

山始末曰示前進士畱夢炎請記之按季羽在台之黃巖
邑南三里道書號大有空明洞天居天下第二世傳周
劉奉林于此控鶴輕舉墜天翻故名據陶四隱居眞誥云
奉林自嵩高徙入委羽山不載控霍事惟載司馬季主
事特詳作季主潛形委羽其同時學道如鮑未陽輩亦得
解化季主子女恣育濟華俱附且道晉許且女史穆撰次列
仙與楊君義書疏往復推季主之道而且次委羽之高冲
歷歷可考神仙遼邈所得而論者舍季主奚適矧老
氏之學以抱一爲宗以專氣致柔爲務惟專氣致柔故

不天不折役使萬物有孰大焉惟抱一故徹上徹下虛中生白空明孰甚焉委羽獨以大有空明稱深得老氏宗旨宜其古今得道至人由此自致潛養之功洞前舊有觀朱紹興聞道士董大方經理上蔡謝伋爲之記復百餘年勅賜龍簡山中以無壇宇掃地而祭王君年尙少與選偕行顧瞻太息夜夢真人遺囑甚審始慨然有志興復其住西太乙也抗疏甚方久乃得允營之蓋又領衆宗陽而山中之役弗休丙子天命推移舊觀亟復俄燼于兵君夙志不渝且顧道北隣於墟塚非所以妥

仙霧乃徙卜邱山右兆新宮焉從僉同也前瞻仙洞背負鼇屏方山據其左大江帶其右若天造地設者由是四明雁宕比隣括蒼金華相望誠王君籌畫之所致也起戊寅閱歲落成前爲大殿奉三清也後爲講堂最後爲拱辰殿居璇極也崇真並于右三元于左脩法教也東序列五師之位西序懸衆真之圖方丈厨庫漏浴各居其所門外鑿池構亭后供嬉游修禊祓資觴詠也前剏櫺星門非醮祀不啓別開竹扉出入舊無恒產今置新田又因廣斥以勤敷菑墾山園以給薪茹俾可繼也

隱若王君可謂有志事竟成者也君平居冲澹淵嘿故能堅守力行不負所託吾知其宗風遠振與名山相無窮矣創始之功豈不大哉故不辭而記之

重修委羽觀記

錢習禮名幹以字行吉水人明禮部右侍郎謚文肅

大有宮在黃巖縣治南五里許委羽山之麓道書為大有空明洞天周劉奉林于此控雀上昇鶴委大羽於山故名委羽又謂嗣奉林得道于斯者司馬季主鮑赤陽輩予聞此蟬蛻者嘗鑄之金石今無考可質者前碑云

宮建於宋紹興間後燬于兵元至元中常靖高士王中立至京師之宗陽觀罷卜于此殿廡堂宇田園倉廩靡不畢具而壯麗又為一邑仙都矣元季又燬于兵弗鼎飭者五十餘年歲宣德甲寅久旱苗稿掌縣事台之別駕周侯旭鑑率耆老吳春輩招赤城道士施嗣真于茲禱之甘雨沛澍環封之內優渥霑足禾登有秋侯及耆老僉曰祉哉顧茲隘陋弗足以妥仙靈乃相與泛材于川輦石于山陶甃于野鼎建大殿甃以珉石飾以丹雘肖玉皇象于中道士朝夕諷誦洞章仰祝 聖壽俯祈

民物之阜康焉落成推道士黃一清來金全疏事巔末
徵予識而鐫于石俾後來者知周侯暨主觀者之勞予
稽諸禮天下名山大洞岳瀆凡能興雲吐霧濟民利物
者郡邑皆得通祀矧委羽爲江南望耶矧名列洞天具
載道書耶矧周侯禱雨獲甘澍之應耶邑人新其廟而
崇其祀宜矣乃識其事

重建大有宮記

金立相

字道夫臨海人皇明兵部郎中

黃巖地瀕大海民殷土沃雄冠諸邑俱依山突兀南

峙據巖之全勝舊傳大有真人劉奉林治空明洞晏坐
煉真一日控霍仙公墜翮山樹復名委羽三朵紹興間石
城使君李端民令茲邑春日勸課農桑至其處始擇道
士董大方主之遂芟去藜棘剏拓宮宇元元至我朝
復建大有宮迄正統末宮殿圯壞郡倅周旭鑑葺而新
之垂數十年爲豪右所侵觀之膏地腴田將無餘晦道
士乏貲修復良可嘆哉邑汪侯汝達政暇登委羽旋憩
大有宮詰得其故命籍其地悉奪還之入其稅修葺殿
宇翊以小屋數十楹環而累土爲廡蓮池石橋瓦甃赭

聖之屬以次完集道士張興寧德侯將建祠肖像立石以丞不朽乃走幣徵予文以記之予欣然曰嘗觀十大洞天志委羽居其二邑雖斥鹵已擅名於天下矣往咎仙人逸士騷客貴卿或韞聲匿跡或暢飲賦詩徜徉其中至今傳記郡乘光照人目則黃巖之有委羽實兩浙之冠蓋也而大有宮之興廢識者不能忘情焉汪侯茲舉可謂有餘才矣故不辭而爲之記

重遷東源寺記

黃潛字晉卿義烏人元翰林學士謚文獻

黃巖州治之南五里有山曰龜山延祐間大比丘無住

禪師定公居之州人皆慕師出風至順二年辛未桑門契如知師雅有延待十方雲水之意爰卽舊圖新得地南隴之半而遷焉州之信女金氏徐氏黃氏共施錢刻木肖圓通大士像莊嚴崇奉蔚爲寶坊今所謂東源禪寺世以甲乙守之者也師慮衆集而食不繼則事墮羣居而律不嚴則業墮既買田若干畝擇其徒廉謹通練者主其出入又推一人爲衆所服者居首座凡禪誦動俗威儀之則一遵方丈清規蓋師俗姓趙居邑之西橋高會祖皆以貴胄從學考亭朱子姻而師者也生稟泐

霽幼篤慈祥稍長事祖父及兄克孝且恭既終養輒蟬
蛻萬緣謁方山寶公于杭之南屏願改初服而師事焉
公器之嘗年二十有八具戒首無際公於婺之智者
一言立解頓造玄關見鐵山瑤公而歸老是山足不
踰闕者三十年示宗之日得舍利無算遂建塔于山之
西麓迨乙丑夏余忝以升才召還太史屬道由吳會師
之上首弟子一恒不遠千里以寺之始末師之出處徵
子文勒諸貞珉昭示方來按龜山即委羽山俗所謂俱
依山是也道書稱為第二洞天云有真人嘗輕舉于此

廼師以世家舊族即有人空懷寶厥躬退藏於密始也
滅跡韜光終焉順緣闡化於是崇基易構宅勝面陽佛
燈照大有之天梵宇廓空明之境豈易易哉為之後者
服其服居其居當知培本濬源蹈規迪矩使無上福田
利益羣品則甲乙之傳其未艾乎庸因一恒之請而書
之若夫工之鉅細費之多寡其末也茲可略云

文獻書院記

李震遠字達邦邑人元福建泰

文獻書院乃邑人劉君仁本所建為祀朱文公而配以
杜清獻公者也復別立祠以祀二徐二杜郭正肅趙太

常諸君子先是耆老阮舜咨輩暨進士周君仔肩主是議議上當事者竟寢不行劉君獨矍然有慨於中越數載自温州路揔管進陟樞密副使踵而行之始得上眷命下之日衆謂千古文獻有托遂擇地於清獻之故里杜曲先期馳書徵臨川危君素紀其事尋以杜曲斗隘道遙遂改建於邑南之委羽山然委羽山靄秀出所鍾也庀材鳩工不數月而竣事復徵臨海朱君右記之其記未悉剏造艱難之故劉君乃復屬予予嘗聞之文公以宋大儂提舉浙東而邑士从游者彬彬最盛師友淵

源有自來矣再傳而得清獻公豐功峻烈史策爛然可觀使公久於台鼎其勛業可勝道哉於戲文公見嫉於侂胄遂致左遷清獻見愠於嵩之竟終宦邸正人君子每爲小人所忌如此蓋國家用人得失而國之治亂因之自古及今無毫髮爽余固感二公爲千古偉人復得祀勝地而道益光豈獨爲一邑之文獻乎哉爰推劉君建立之意勒于貞珉以垂不朽

委羽山志卷四

題詠

游委羽山

潘端明

名正以字行中大夫守尚書右衛將軍上柱國食邑五萬戶及劉豫篡晉發憤不食而死案豫當作裕宋武帝名

俗問仙游子何年上玉京至今稱委羽靄秀似蓬瀛

邑人

胡昌賢伯舉修輯

李邦穉希英泰攷

晉

南北朝宋

謝靈運

小字客兒會稽人永嘉太守

山頭方石在洞口花自開
雀背人不見滿地空綠苔

唐

顧况

字逋翁姑蘇人著作郎貶饒州司戶

谷人乘鶴玉京游
翮遺仙洞何幽幽
我來尋覓空夷猶
烟霞萬壑明清秋
何當騎麈翳鳳
啓瀛洲
倏忽能消萬古愁

杜光庭 見仙道

窅然羃岫五雲深
落翮標名振古今
芝朮迎風香馥馥
松檉蔽日影森森
从師只擬尋司馬
得道終期謁奉林
欲問空明竒勝處
地藏方石恰如金

宋

范宗尹

字覺民襄陽人尚書右僕射

蹙到山中禮泐壇
空明雲氣逼人寒
當年孤雀知何處
遙想天風墜羽翰

鄭克巳 字仁未括蒼人本邑令

委羽空明天神仙
第一洞平郊湧積
羣騫騰如展鳳簪

有洗心人白雀雲端控脩翮墜飄風草木隨翻動我來
躡遺踪真得惺塵夢剩采黃精苗犁破霸根種

朱熹 字元晦婺源人

山藏方石爛門掩薜蘿深道像千年在衣冠照古心

此詩俗傳乃文公主管台州時作然公為宋大
傷出言皆有理趣獨此篇詞意中有未妥况寓
台諸集俱無所載豈傳者訛耶今亦存之目
俟博識君子

王居安 字資道龍圖閣直學士

幾日山不到到山心自清稜稜有方石拾得通仙露

戴復古 字式之

秋老山容瘦雲閒自公來野人相對此塵念倏然開

杜範 字成之右丞相

莫訝青山小山回洞得名仙人騎雀空留跡在空明

王珏

瑤草琪花半已空洞門寂寂自春風千秋隻雀無時返
安得蓬萊有路通

李景文 名杪以字行緝舉元徵辟不就

王國風塵暗仙山景物新龍宮逾紫禁雀馭遠朱輪水
融溪上月花發洞門春一似飛源路從今學避秦

李景傳 名材以字行正奏

春風蕩漾轉平林蒼翠重重擁峻岑
霍背玉笙吹月遠洞門瑤草鎖雲深
酒開仙界疑瓊液歌徹金壇豈大音
白首已知蕉鹿夢任教塵世自浮沉

元

潘士驥 字用德

控鶴者誰非金刀五雲何處風飄飄
相傳脩翮遺山枳太古片雪吹不消
一點空明境非境方石無言洞門靜
玉京望斷不歸來斜陽滿地琪花影

方石

葉嗣孫 字本初太平人

洞口拾不盡雲根應旋生錙銖存地象
稜角自天成仙去瞳猶在山靈骨亦輕
攜歸到人世袖裏有空明


丁文昇 字子高刑部侍郎

空明秀峙茲隆今古十洞稱雄任郊遊
人來往山前山後清風

應夢虎 字彥文

乘閒得得到仙家古洞寒雲帶晚霞
一自雲禽遺羽翰

千年方石出坭沙
碧桃花宜眠青鹿
丹鼎煙中見白鴉
偶過黃冠話寥寂
始知塵外樂無涯



委羽山志卷五

題詠

邑人

胡昌賢伯舉修輯

李邦穉希英忝攷

明

游委羽山

鮑原弘名仁濟以孝行伊府紀善



欲寄幽心與白雲
來趨仙界孰為羣
煙封洞口人家少
日上峰頭樹色分
跌鳳丹霞何自得
翳磨碧落望空殷

李太白詩 卷五 雙砂齋
祗緣纓冕牽塵務本悟軒轅八會文

解餘慶字彥善本府經歷

仙人劉奉林何季昇碧落寶鼎封塵埃琪花散林壑篆
古石有文雲深峒無鑰至今山中人悠然望歸雀

葉滋字榮發

嵩高羽客曾來此控雀飛昇望不回玉象天香藏寶閣
翠龜雲氣接瓊臺山中方石千季爛洞口桃花幾度開
今日得教塵夢惺惺當作醒何須海上訪蓬萊

贈空明道人

高啟字季迪長州人戶部侍郎

我聞赤城南仙嶠名委羽煙霞閉深峒絕壑飛玉鼠空
明中有天日月照瓊宇昔人煉丹成騎雀飄飄舉而翁
夙慕道栖此求真侶玄文夜夜披靈藥朝朝茹歲久必
改形昇騰太何所

王叔英字原采翰林修撰死建文之難

仙子何年昇碧落至今洞口擁晴雲束薪煮石無爲侶
蜀倚空山到夕曛

徐宗實名屋以字行兵部侍郎死建文之難

洞古多靈草山高竝赤霞仙游終不返日夕噪羣鴉

應辟辭歸重游委羽山

張羽字孝翊薦辟不受官

鳳闕辭歸復入山空明洞靜欲燒丹祗愁白髮生來身
却使黃芽變去難晴日牽花春正暖何人離雪晝生寒
玉書倘得神仙授芝餌從今歲歲餐

李公楞字志嚴

人度煙霞外雞鳴霄漢間壇空瑤草長花落石苔斑塵
寧應難惺流光自等閒誰从千載後雀馭可追攀

戚存心名榆以字行禮部侍郎

空明古洞生紫煙中有真人年復年丹成一旦控崔嵬
俯仰委落茲山巔我來欲問燒丹訣故向雲中歌數闋
身世浮名總不知乾坤自與人間別

盧廷剛名憲以字行谷府長史屢諫王王誣以罪
磔死

奉林控崔嵬碧天至今姓字人間傳石洞春深長瑤草
丹爐歲久生紫煙一去千年不復返幾度登臨懷莫遣
天風時逐白雲來吹落碧桃花片片

鮑相字廷贊國子監丞

俱依自昔有璿房春日來游醉羽觴老雀遠歸松樹暝
落花輕泛石泉香玉書可翫無人授瓊液知甘不自嘗
安得飄然方外去任教塵世變滄桑

章日孜名自勤以字行禮部主事

曾沉宦海隔玄關粉署歸來始入山石峒朝朝雲氣黯
古碑歲歲蘚痕斑奉林騎雀今何在季主飈輪宵不還
千載仙風如可卽願分大藥駐衰顏

林灝字洪端兵部郎中

欲將幽意寄青山花徑風清洞府閒掃却白雲尋藥鼎

仙人雀駕幾時還

章陬字仲寅禮部主事

遲日嬉游古洞門管人曾此駕雲軒欲尋方石緣風磴
細閱殘碑拂蘚痕世上不知空歲月就中疑是別乾坤
五符靈寶何時授帳對斜陽誰與言

夏時敏名珉以字行廣信教授

采采靄芝入洞門空明萬里別乾坤藥爐已伏燒丹火
雀羽猶看片雪痕谷靜風過生爽籟山深翠擁濕雲根
風燈曉露悲人世安得仙官一與論

李宗應 三山人

短褐飄飄入洞門，連阡芳草憶王孫。
花開萬樹饒春色，蘚蝕穹碑少字痕。
碧嶂淡烟迷藥圃，清谿流水合仙源。
此中習靜疑蓬島，方外空談有玉尊。

蔡堅 字廷白 曲靖太守

桂冠與右一身閒，萬里歸來隱此山。
瑤草不殊前度色，琪花猶是舊時顏。
平林日上聳猿嘯，古洞雲開見雀還。
采得金芝堪作饌，莫令雙鬢老來斑。
右當作古

委羽見桃花

羅洪 字從範 陝西御史

昔日飛昇碧空裏，千樹桃花尙遺此。
枝枝雲錦燦金壇，簇簇霞綃映瓊宇。
我來錯認武陵源，莫遣殘紅逐流水。

謝省 字世修 寶慶太守

晉人此地修丹訣，丹成控雀昇天闕。
風吹落翮在山椒，萬古應難消片雪。
桂冠長嘯此山中，空明勝槩由天設。
洞口桃花歲歲開，山頭雲錦朝朝列。
始知仙界別乾坤，何時飲露餐瓊屑。

夏日空明道觀

周鼎貴溪人

崑崙奇峰擁觀門朱明到此愛風援蒼苔蝕碣仙留跡
碧樹迴廊雀自翻夢受靈瓜終是幻座收神橋竟難言
洞中復有真人出玉札金丹好共論

將游委羽夢中得詩二句因續成之

謝鐸字鳴治禮部侍郎

夢入空明酒半斟夢回猶記小仙吟壺中歲月乾坤別
洞口烟霞草樹深萬古風光誰管領百年山水幾登臨
亦知辟穀長生術無奈蒼浪鬢髮侵

余景字從明衍州同知未任卒

雲作奇峰炎日永欲聽浩露此中游崧陰匝地不知暑
風氣襲人渾似秋瓊室玲瓏留道帙蘭橈穿篔簹枕清流
久爲塵世浮名誤今與仙山誓白頭

童子來本宮道士

空明入望翠相連玉笈瓊書見列仙天下人稱第二洞
雲間雀去幾千年地震處處餘方石山靜朝朝遠俗緣
禹步不違任九跡昭華吹斷紫霄烟

林阜蕭臺人

共說空明好隱淪
仙人居處絕囂塵
金壇雨過蒼苔滑
蹊徑煙迷碧草春
不見胡麻浮澗水
祇聳岳鳥喚游人
古碑拂拭喃喃讀
始覺儂冠謨此身

鄭文

字載道南海人御史左迂本邑令

春日籃輿入洞來
洞前桃樹幾枝開
山靈應與東風道
莫遣花飛點綠苔

奏罷雲和對夕陽
瓊酥空憶一杯嘗
仙人已去瑤京遠
春雨年年花自香

策杖向何處空明古洞天
風搖松偃仰雲動雀翩躚
汲

玉烹新茗熱香調綺絃
嬉游應盡興秉燭未言還
還當作旋

訪章鍊師

道人一室大如斗
春到山中何所有
雙魚雨後躍深池
孤鶯風外啼垂柳
在事悠悠幾變遷
門外青山天墜久
我來游戲更尋真
控雀仙人招得不

張永

字孔脩京口人本邑丞

兩袖春風古洞來
玉尊遙對五雲開
當年羽客歸何處
白石磷磷染綠苔

項元簡 字士稜

鳴琴茂宰訪仙來雲鎖松關午未開滿地落花風不掃
共看紅紫繡蒼苔

林歸衆鳥已斜陽仙合還留盡玉觴醉倒雲林清夢覺
石爐又過幾行香

謝朝宣自號龍渠道人■淮人浙江御史

路入俱依曲更長雲梢獵獵動斜陽山中方石時多少
洞口青衣事渺茫丹鼎煙浮籠泐座藤花鳥蹴落危墻
皇華駐節頻回首直北祥雲是帝鄉

陳學字希賢興國尹

六管飛灰轉一陽脫來塵鞅醉壺觴山雲解得游人意
漏洩寒梅數點香

委羽山饒蔡巨源進士北上用鄒明府韻

施槃字彥器山東副使

琪花滿地映斜陽送別空明醉羽觴君到曲江春正暖
碧桃紅杏總含香

柯昌字廷言陽江尹

露冕行春已夕陽洞中沉醉紫霞觴它年君亦飛雙鳥
處處東風草木香

王弼 字存微 典化太守

還家未出郭 出郭爲看山 舊路依然在 仙家指顧間 池
崙初罷汲 竹密不須刪 鳥語清圓轉 應知客到關

與黃汝脩聯句

閒游晴日洞門前 鶯花草芬芳 二月天 石罅送來泉 虬
細脩沙痕落盡 樹根懸東園 竹密山無影 弼西崦 松高
窈有年 卻憶當時讀書處 脩至今風景尙依然 弼

王從鼎 字朝器 四川會事

三山逐浪過 江來酒對空 明此夕 開翠竹 萬竿藏世界

碧桃千樹護樓臺 鼎爐伏火知難覓 騏驎乘仙亦未回
散髮直須摩斗漢 百年能得幾徘徊

毋恩 四川人 臨海尹

入浙曾聳委羽山 携琴此日得躋扳 一聲長嘯烟霞外
數著殘棋竹樹間 踐草不成三徑捷 瞻雲擬作四隣間
宦情風景徧相洽 酒賦斜陽未欲還

蔡禹 三山人

長袖凌風一問仙 仙人跨雀幾千年 林花馥馥開藁桂
石竇泠泠落細泉 曉雨隨雲過嶺外 晚山流翠入樽前

茲游未及開金簡歸讀南華第二篇

文林字宗傳蘄州人溫州太守

欲醉還嫌酒力微主人携我坐斜暉
雲迷古洞雀長空家在荆門客未歸
午日煮茶分澗水半空啼鳥落巖扉
扁舟簑笠五湖闊翹首从今與世違

楊全字初復宣城人本邑丞

委羽山如彩鳳翔勝游邨惜醉壺觴
江天日出雲初散籬落雪消梅正香
仙洞有靈方石在古碑無字綠苔荒
登臨極目衡山遠風景分明似故鄉

吳堅字守白

雲物舒和石路平松杉積翠隱空明
日斜不盡登臨興又踏南郊月半程

丁熙字克明國子學錄

勝地塵囂隔清秋眺望餘長懷騎雀者
卻自欲餐霞

陳徵字崇恩榮府紀善

竹枝松葉護瑤宮控雀仙人竟不逢
古洞空明開日月穹碑剥落臥蒿蓬
孤雲入望天無際遠澗閒聽韻不窮
讀盡黃庭丹可就應教白叟少如童

胡福字洪之

洞口秋高煙霧開上清羽客不歸來金壇窈窕空延佇
吟向西風帶月回

徐慶亨

字世嘉禮部主事

平生孟陽同好游尋仙踏遍羣峰頭丈夫襟懷邁千古
朱顏肯爲青山羞君不見縣南有山名委羽洞天中寬
萬餘里一自仙人去不回此山永作吾台主翠濤怒起
屋頭松素練翻拖門外水我來一覽興悠哉雲隨兩袖
翩翩舉頓覺詩魂徹骨清不知身在春風裏

黃綰字宗賢禮部尚書

昇仙何處遺空洞碑載千秋謝少卿
霍公青霄曾墜羽神游丹闕尚吹笙
傳葺周漢誰堪據蹤跡滄桑幾變更
回晉松間明月上罡風猶下步虛聲

鄭善夫字遜之閩縣人刑部郎中

黃巖黃宗賢爲予築室委羽山招予共學方有心事
未果守官鬱鬱輒有東路之思奈故鄉多難欲歸
不可行當赴其招矣紀興一普

不分委溝壑上林安一枝官隨年少後拙負故人知

鼎終難就簞瓢定不辭鄉關方苦亂太采羽山芝

至委羽山

東海龜茲仙聖居琅玕芝草洞天虛函關已斷青牛駕
委羽仙逢白鹿車

訪空明道士

胡倫字子叙京山尉

籜冠藜杖向何之大有空明一問師白石通霄應獨煮
黃芽易骨許誰知石幢書字投金日翠磬生煙種玉時
蓬鬢十年悲自下今來已負白雲期下當作誤

丁仁字恒近高密學諭

夜靜空山裏松肉月色明移尊臨洞口一倍照人情

童悅字思道

仙子遺踪何處尋風高雀去紫雲深丹房舊鼎留鉛汞
洞口穹碑自古今爲汲霧息穿竹徑因尋方石坐花陰
仙凡不是真相隔祇恨無方一洗心

王淮東鄉人本邑訓導

昔人騎雀入天關脩翮當年委此山瓊室至長存丹井冽
洞門深鎖白雲間菲菲瑤草連溪碧燦燦琪花滿目斑

幾度攜壺歷游覽分明別是一人間

江澈字景吳南城人僉事

山名委羽幾千季望望胎仙不復還古木千章啼好鳥
懸厓百道落飛泉邀歡命酒春風裏乘興題詩夕照前
最是聖玄無覓處不如歸誦太清篇還宮作旋

解仲範

何代仙人居此山曾騎白鶴入雲間空明在路通三島
丹竈無方煉九還瓊室午風香篆細石橋流水落花斑
到來頓覺煩襟淨日日盤桓懶出關

晚過空明

張文械字季札

十年顛顛負煙蘿此口扶藜峒口過松竹韻隨谿澗出
雲霞影度晚山多青厓放鹿銜瑤草碧漢迴鸞下玉柯
蓬鬢自憐徒傲睨神仙丹鼎已蹉跎

鄭通字廷濟

瑤草琪花夾小溪挂雲游客到巖扉藥爐火伏丹何在
蓬海風高雀未歸幾疊青山渾舊境百年往事只斜暉
遙看天際紅霞沒野鳥翩翩斷續飛

春日與友人泛舟登委羽

蔡紹科 字弘哲大理府守

潮湧江門促進舡蘭燒共泛小壺天雲迷遠岸鷗羣臥
雪噴迴瀾瀨網牽苔蘚摩挲先輩碣筭魚鉅飢腐儒筵
酒酣便欲凌蒼漢詩渴何妨漱玉泉

符驗 字大克御史

標勝空明寄隱淪冥心不復染流塵花然洞口疑相待
雲咲林邊欲作隣樹舞千年冲漢雀溪逢何處濯纓人
蒼虬未得徒遙望歲歲尋芝老此身冲當作衝

朱鰲 字時化

懷仙歌咏入山隈夾路桃花次第開古洞煙霞生白晝
斷碑文字覆蒼苔千年方石尋還見一點紅塵飛不來
紀興漫題蕉葉上馬蹄歸趁亂雲堆

劉澄 嘉定人教諭

乘風何處問真源万里空明別有天花洞事陰春窈窕
仙人雀去羽翩翩山中芝朮今猶昔物外煙霞日似年
游躡不塵蘭蕙路松間從此借雲眠

朱元渙 字存亮

攜壺拄杖訪仙踪八月秋高四望空人去玉京今幾歲
洞門深鎖白雲中

汪鯉

爲愛空明此日過洞門深鎖白雲多松交晚翠陰垂徑
草白含芳綠滿坡跨壑仙人今不返焚脩道士更何如
我來欲盡閒游興坐對斜陽發浩歌何如當作如何

游委羽次孫邦采韻

高材字充甫無錫人本邑令

糝糝松花樹樹金仙人跨壑剩空林洞門方石還遺跡

鼎裏玄丹獨悟心笑我未除湖海氣憐君能發鳳鸞吟
青春況是天涯暮莫惜花前酒重斟

方紹魁番禹人訓導

春日遲遲上翠微采芝種木自忘歸空明洞口桃花笑
笑却無人被草衣

與四明趙文星重游委羽

陳漢字文望連州教授

越秀歸來日重尋雀駕仙洞門方石爛溪上碧桃鮮鼎
伏千年火山開萬朶蓮四明嘉客對樽酒興悠然

陳聰字克簡

委羽山如畫登臨對夕暉風高玄窟遠洞古白雲依杯
酌多醺醖盤餐有蕨薇興闌人欲去嵐氣襲輕衣

朱鵬字時舉

花展探游委羽山埃塵相隔道人寰幽林花影春長在
滿地松陰窟未還細雨忽過山路濕輕雲長鎖洞門閒
倦行漫策烏藤杖吟破東風第一關花當作著

趙貴泳

載酒來游路半程春深山院十分清花當旭日紅偏暎


柳拂晴煙綠漸明犬吠客來茶竈煖雀乘仙去露巢傾
洞門深鎖無塵跡佇聽流鶯三兩聲

王子述字承聘太平人

春日穿雲一布袍爲尋仙跡恣游遨不聞松塢鳴玄雀
惟見山花綴碧桃世事總成長夜夢機關都付壯波濤
玉京望望徒惆悵歸路風生月色高

胡琪字伯瑩太平人

玉洞神仙闢金壇麋鹿游琴開明月照杯近紫霞流竹
蔭宜迓暑花香不間秋憐子竟何侶身世一沙鷗



委羽山志卷六

邑人

胡昌賢伯舉修輯
李邦樞希英叅攷

題詠

明

游委羽山登周秀才樓

林貴兆字道行太平人鄱昌令

江南游子倦征車大有仙人亦可依
珠樹不回雲外宿
薜蘿長掩洞中扉
山光入戶侵書幌
江影浮空動客衣

任是飄零何用怨習家池閣好忘歸

委羽山酬嶺南定上人

汪洋字貴克

仙雀何年去茲山尙紫氛燒丹非是我卓錫乃逢君八
極應難徧三車可暫聳空明今共憇幽意與平分

張世準字時範

踈俗尋仙我獨行春風作伴杖藜輕山中晝永煙雲淨
洞裏天寬日月明鳥語漫聽依玉樹壇空一望憶霓旌
此時若得燒丹訣不與人間道姓名

王大策字崇勛庠生太平人

雀賓千載上彌羅坤府俱依境若何洞窅秣餘青草合
山深惟有白雲多人閒作賦畱巖穴酒盡開襟洽薜蘿
願得銜書來赤雀莫令歲月易蹉跎

李師德字可度庠生

霜重長林楓葉殷偶攜尊酒坐空山丹爐尙在雲芝老
不見仙人跨雀還

陳淝字用涉歲貢生

東風初轉雨初晴翠柳烟中百轉鶯此日空明春正好

且將芳酒破愁城

海寇平九日與友人游委羽

陳允誠名兆佑以字行蜀府審理

氛祲全消靜鼓鼙空明復得攬幽奇
黃花笑插雙蓬髻
白鹿行馴一杖藜
疇昔羽君懷不返
今茲詞客喜相攜
嬉游且盡杯中酒
莫問西巖日暮時

王良宰字政化庠生

迢遞尋霧洞徜徉傍綠林
雲封丹竈冷花覆石壇陰
竹色疑藏雨松聲恍鼓琴
神仙不可見幽壑日沉沉

張世健字時乾

俱依頓舍訪神仙
窈窕空明別一天
鳥趨栖雲巢古木
山銜落日碓寒泉
方壇夜靜金生氣
遼谷年深玉有烟
漫道奉林乘雀衣
更無高士覈玄玄

陳兆麟字允脩

仙人何代別名山
雀羽相傳墜此間
悵望千秋天路遠
葦衣披帶片雲還

王紀字子陳壽州判

黃葉溪橋路探游
委羽陰雀歸仙馭
遠草長洞門深間

卜憐司馬燒丹憶奉林荒唐看斷碣雲水晚沉沉

陳伯沆字士崔太平人

晚出城南入洞宮黃冠借榻臥雲中五更夢裏天雞叫
恍把芙蓉上太空

蔡世印字舜驗

昔人乘雀公蓬萊古洞陰陰長自開天酒幻成清露滴
羽衣畱作白雲來徑斜古院依山靜潮落孤舟隔岸迴
方石無言對游客有懷題詠向誰裁

秋日晚過委羽

王淵字靜之光祿署丞

探竒偶過白雲隈控雀仙人公不回玉殿幽幽臨曲澗
洞門穿穿翳蒼苔前林葉落秋容淡別院鐘殘暝色開
尚有豐碑鐫勝跡臨風一讀一停杯

同諸社友飲大有宮適歌妓至

朱一符字大驗

開筵當勝地覽物值佳辰院柳含煙軟壇花照水新紫
簫聲碧落瑤窟隔紅塵舞袖催行酒猶疑見玉真

楊軫字崇完

風清石路不生塵
仙院閑臨澗水濱
好鳥聲中三月暮
晴雲影裏一山春
年來洞府無憑主
眼底桃花解笑人
塵世滄桑君莫問
不妨岸醉白綸巾

蔡世欽字舜命

出郭尋真入翠微
琪花瑤草翳殘暉
仙人已去雀不返
洞府長開雲自飛
松下空壇遺藥竈
山中方石染苔衣
漫游一望江天遠
巾舄乘風與世遺

陳琨字蘊章庠生

搖落平林天宇清
攜壺結客醉空明
斜陽滿地洞門靜

不見雲間有雀鳴

秋日委羽

夏若誼字朝詢

嬾性耽幽僻
攜觴幾度來
白雲浮雀駕
紅葉覆丹臺金臺
道骨周時貌
名山越地開
空明深莫測
蒼道接蓬萊

李從協字德和

仙嶠高棲一片雲
名隨玉屋雁行分
青童元作千秋主
黃帝曾藏八會文
霞起洞門先掩暎
珠搖琪樹影繽紛
外臣雅好探奇勝
安得揮戈駐落曛

陳觀復字允東

山前池水浸晴暉
洞口寒光尚襲衣
長說仙人留雀羽
秋深化作白雲飛

王憲字允康

大有神仙窟
春風客到初
洞門無雀暎
煙雨落花疎

鄭晉之字君遂樂清人

羞將白髮抗塵容
來入空明白已春
別院吹簫飄律呂
霧泉洗劍起蛟龍
烟斜松塢籠秋月
風過星壇帶暮鐘
欲問當年遺翮事
殘碑曾有綠苔封

陳公綸字次經臨海人秀才

倚策遙思劉奉林
空山穿歷自清音
巖邊碑古埋煙草
洞口雲殘轉夕陰
白雀無蹤誰復問
丹砂有訣若爲尋
連村紅樹江天迥
搔首斜陽獨浩吟

游委羽山甜寺中作

符良夢字徵之秀才

長歌游古洞
日夕憩珠林
捲幔山光入
臨池水色侵
禪房明世火
雜樹下秋陰
萬籟時俱寂
寒蟬獨聽吟

黃承忠字伯已秀才

澄江江上蚤潮平獨放扁舟繞郭行東望滄溟三島碧
南登委羽一峰青丹書未識何年秘古洞惟傳今日名
醉後憑高思羽化自慙猶未斷塵情

來雀亭

胡良夫字文德

捫蘿直上白雲堆翠削芙蓉面面開誰築孤亭望瑤窟
至今不見一歸來

夏應縞字克精

青山窈窕洞門開暇日尋真與客來壇下雙松無雀到

古碑風雨半蒼苔

王承翰字崇傳

空明洞口春日融東風習習吹香芎青山一點市塵隔
橫邃數聲天宇空欲覓刀圭脫凡骨且隨樵牧問仙翁
奉林千載歸何處笑指雲霞縹緲中

陳興賢字振宗蕭山訓導

洞口雲和碧草萋春風吹客一攀躋避烟瑤窟翔空太
夾徑冰桃宿霧迷郊倚石林斜點筆還將蕉葉坐留題
漫云燒藥成雙翼且學山翁醉侶泥

誕辰會友招集羽洞次韻

林國材 字崇元山東兗事

蕭蕭三徑可投閒回首青雲鬢髮斑好友忽招遊霍洞
孤臣遙憶侍龍顏百年樂事懸弧日千古名區委羽
山漫就仙家論甲子天邊倦鳥卻飛還

胡鳴遇 字志應

覽勝歌仙曲空明古洞天飄飄花片片嗚咽水涓涓雲
染衣裳濕盤餐荀蕨鮮醉來游未足歸去夢應牽

季金 字松門衛人總兵

攜壺探古洞雲鎖偶逢開白雀翀霄去青猿摘果來牽
風搖草帶暎日玉花臺塵俗何時遠空嗟歲月催

過委羽寺

釋成憲 字克章

龜茲仙觀對禪扉優鉢花開瑤草肥燒藥人曾騎雀去
看山僧自渡杯歸

張朝弼 字寅之秀才

為愛空明春日來漫拖雙屐印莓苔和歌山鳥穿雲出
對酌巖花捧露開文武丹砂如可就蒼浪鬢髮不教催

玉京仙窟何時返長使孤猿入夜哀

大有山房爲黃上仲暕

胡應麟字元瑞金華人

何來江夏客半榻抱雲眠
曉割中原地書藏大有天
金光紫亂石玉乳映飛泉
笑我華陽洞羣羊隔暮烟

蔡宗明字稚含禮部郎中

洞口青精手自鋤松間明月坐來疎
蘿紫石室新開徑
蠹蝕瑯函舊賜書
三島夢回還大藥
千秋業就薄公車
我今已謝人寰事正好从君賤遂初

屠隆字緯真四明人禮部主事

聳說空明洞仙人控雀行
鮮雲栖石室涼月度瑤笙
花裏飛泉細松間古路平
思君讀書處烟霧入窗楹

焦竑字弱侯翰林脩撰瑯琊人

龍臥耽高尚雲蘿洞壑
沫草縈當戶帶竹度隔谿陰小
西藏書日中條避世心
仙羣如可下鸞雀有遺音

顧起元字太初翰林編脩秣陵人

絕嶠疑無墜中林別有天
樹分止壑色徑隔薜蘿烟
紫氣回蒼劔青藜起斷編
爲看蝨魚跡一一神仙

陳應薦字顯若太平人選貢

曉隨一片馬頭雲遙入空明日未曛漫倚孤亭懷季主
還趨大殿禮元君碧桃風綻春長在玉樹香浮子自紛
它日若歸仙雀駕山霧煩爲一相聳

秋日委羽用胡伯舉秀才韻

楊應玄字伯軌句容人本邑丞

乘暇探岳歷翠微凭高心跡兩相依黃花匝征含風細
白雁排空向晚飛仙公瑤京遺雀羽客來勝境感牛衣
塵容竊爲山霧笑好買吳江一棹歸

黃維楫字說仲

勝日試攜尊曉出城南門鬱然青山色草樹迎春蕃僕
夫戒修塗威紆駐平蕪羽委雲中雀影飄江上鳧羣峰
呈翠黛列壑含晴暉掇蕙陟截臬采藥經崎嶇奉林輕
舉處超然令人迷丹砂幻方石玉匣藏靈符扳緣挾仙
客歷覽興遐思烟霞討遺跡崑宮縈蕊芻殘碑橫草際
剝落一字無摩讀不可見裴裒增長吁仙家夾銷歇人
代竟何如

周廷忠字篤甫臨海人

仙人跨雀上瑤京，留得青山委羽名。
我獨登臨思往事，白雲縹緲不勝情。

釋一弘字了元

久彈玉版覺三乘，淨禮空王世世燈。
偶自出關游古洞，不將飛錫記山陵。

林協字子彥太平人

杖藜春日破山微

當作

不見仙人駕鶴飛，流水自春溪。

上碓晴霞

當作

如鎖洞中扉，村沽綠醕情偏逸。

當作

變黃芽，願已違。寂是此間堪避世，碧桃花下欲忘歸。

蔡澣字大秩

空明標勝境，昔是海中岑。
弱水應相接，蓬壺火可尋。
天高玄窟遠，洞古白雲深。
滿地餘瑤草，無方覓奉林。

謝从道童承元招游委羽

丁透字子勳寧海人

日暖鶯啼花正香，相逢二妙興何長。
直從郭裏連行騎，同上峰頭醉索郎。
紫氣氤氳凝玉枕，綺雲郁甃近芝房。
漫言委羽荒唐事，遶雀城東曾自翔。

任陽字應基

裝車尋訪神仙蹤空明古洞深幾重紫芝翳翳雲長滿
玄雀寥寥日自春玉膏未得瀛洲飲銀鱸但有行厨供
籩冠袒褐與無限吐角含商答莫鐘

李揚之字德雲武英殿儒士

仙界開時豈五丁古來蛻跡自空明雀昇天上遺霜翮
人在雲中吹笙笙塵世未能隨羽化游踪尙欲馭風行
丹臺玉室名如在願借芝房學煉形

夏興讓字懋謙

憶昔仙人劉奉林乘風駕雀超嶽岑脩翎飄落白雲深

千載游人不可尋天上同羣註瑤錄霓旌想像青山曲
夕陽西下未言歸安得丹砂齒芳躅

陳興孝字振行

萬里空明境仙人不可攀琪花歛古洞丹鼎冷青山樹
密聳猿嘯風號恍雀還日飛西額外散誕出雲關

袁明府招集委羽

吳運嘉字未嘉蘇州人

駐馬青山郭雲光四野聯笙歌凝莫靄羅綺接長筵玉
洞虛瑤草金壇秘紫烟已陪丹台醉何用別尋仙

毛明葩字天奇太平人

欲向名山自息機空明洞口坐斜暉丹房此日人何在
松塢千秋雀未歸蒼蘚經春封斷碣白雲滿地濕輕衣
從今欲學燒丹訣舉目江山任是非

陳德遇字允初

洞口桃花千樹開東風吹落點蒼苔我來淨掃雲邊榻
爲待仙人跨雀回

謝尚誠字从庚

城市多塵俗仙家景獨幽峰高天半隱雲靜洞長留世

事枕中夢人生海上舟空明堪寄跡髮鬢赤松游

符良玉字璧之

秋日空明洞尋真曳杖來霞光聯曠壑松蔭落蒼苔白
雀乘仙去玄猿入夜哀古碑今剝落惆悵一停杯

牟元瓚字養琛

夕翠擁山深餘光在仙窟探游任逸興兼得采薇蕨永
懷仰天路高歌對雲闕何時雀背人還來弄明月

謝尚志字从道

煙雲蕭散入空明叢桂秋風遠世情天路遙遙雞犬杳

洞門窅窅欲須鳴時看玉樹三花發誰得金丹九轉成
靈寶真符今未啓夕陽空倚望瑤京

王宗虞字元盛

白雀凌空玄纒開洞口花仙人曾蛻跡野客欲移家渴
飲燒丹井飢餐暎日霞閒中恣游樂景色杖頭賒

王濡字體之

秋高洞口共徜徉壺謁還教典鸛鷓蘿幌平林縣霧靄
松關長日奏笙簧昔年白雀曾遺嗣此日黃花正發香
不覺登臨歸去晚東山已抱玉蟾光

金養浩字惟元太平人

路自清溪入前朝一寺開雲留松下榻花點石邊苔習
靜宜山僻思玄畏酒來日斜尋古洞仙去幾時回

劉行敏字敏求

誰作空明主相傳說那金雀歸丹漢遠門鎖白雪深花
影閒移席泉聲靜和琴依然幽勝足片刻淨塵心

委羽山賤

胡昌賢

伊上古之龜茲兮挺竒拔于東溟匪六鰲之共戴兮寔

蛟龍之所經慨滄桑出屢變兮填斥鹵而為町藉神明
 之護持兮為玄聖之福庭疑結根于泰華兮詎直指于
 匡衡頰兮如伏龜蹲虎昂兮若舞鳳翔鸞長林鬱鬱兮
 綺雲晝布幽澗泠泠兮琅風夜寒美哉山川霸秀允矣
 宇宙奇觀其接壤也西且蓋竹東望蓬萊南連雁宕北
 控天台迤則永寧崇崇于其左兮天梯峭峭于其右長
 江澎湃而環繞兮羣峰崢嶸于先後魑魅祕而不入兮
 鸞鷲來而和鳴赤城霞起而高映兮瀑布飛流而遠并
 琪樹璨璨兮瑤草菲菲方石爛爛兮丹鼎輝輝洞天關

兮大有空明度周迴兮萬里之程豈仙霧出窟宅顧渺

茫當作茫渺而難辭是以羽士窮奧秉燭獨行深深莫測杳

杳當作杳彌靡當作驚聳櫓聲而始返遂然指日豎明暴衣遙見

乎羣女主治久傳乎青童曠朗兮玉梵瓊宮幽藹兮松

壑桂叢蓋此洞之標勝惟王屋而可京雖常典之缺載

宜奇紀目稱名或雲笈玉樞或仙史靈符或混元寶錄

或仙苑編珠或登名彙紀或隱訣僊韻古今傳之而無

盡道當作流敷之而不殊昔三皇之藏八會見黃書當作

之遺經軒轅之秘丹法付玄子以叮嚀聯金簡刻琅玕

承珠珥履石盤羗寶訣之久藏慨莫發而長嘆暨神禹
 出合丹廼復啓而竊觀迨奉林之高士自嵩山而來居
 乘白雀以上昇委一羽於嶇嶇伯玄師乎萬始李脫號
 乎紫陽西霽得道義山含光長安季主留枕席吕代形
 穎川劉諷託杖履以全靈景春曾書乎棹楔羊情見邀
 于雲英洪蒙范錡瑤籙登名芷泉甫申鸞輅載行吁嗟
 乎往古來今神人代駐乎雲車既羣仙之游化何層城
 之不如是吕違世翫道者張翠蓋而樹霓旌搜奇覽勝
 者采芳芷而拾杜蘅故予馳神而運思弓欲託處以長

生感幽人之栖隱羨王孫之好游釋常戀以自潔暢獨
 樂以何求披荷衣兮匿跡佩蕙帶兮韞聲依蘭林以餐
 霞兮臥枿殿以含精踐赤鯉之釣石兮凭來雀之孤亭
 悲草廬之不葺兮弔古樵之莫興藹藹濛濛兮見淇園
 之雨屑瀼瀼濕濕兮觀紫阜之雲崩陟峻岑而拔葛藟
 兮潛洞壑而采五芝窠巢龜于芳蓮兮縱飛鱗于巨涯
 朝盼扶桑之翔陽兮夕繫金樞之潛光飯雕胡以爲飽
 兮羹露葵以爲嘗搜玉琢于石室兮煉大藥于雲房期
 方瞳以易骨兮歷千億之星霜誠賤物而賢身兮乃託好

于老莊苟吾真之長葆兮又何負乎昂藏

春日委羽

春日攜壺入翠微空明景物正依依
嬌黃竹裏新鶯轉亂拍花間乳蝶飛
松老龍成千歲甲峰高雲作四時衣
遙天望斷無鸞轡削得仙人去復歸

大有洞天歌

黃惟棟字上仲秀才

玄中之洞三十六更聞大者十爲目大有稊尻第二天
委羽名應亞王屋丹霞彩霧白日屯別知世外有乾坤

遙聞檐聲自東海凡人豈得窮其原昔時往往多仙跡
每見飈車下空碧谿舂頰洞霧氣存至今此地遺方石
芝草闌干霜不凋琅玕縹緲烟俱高石牀丹竈依然在
歲歲春風關碧桃誰其主者黃上仲誅茅結屋面茲峒
累月經年不出門窗前閒把丹書諷有時杖策恣游遨
飄飄逸興凌雲霄朝向花前傾玉液夜臨峰頂吹瑤簫
簫嫋嫋聲未歇起弄松頭一片月枕石夢跨彩鸞翔時
共羣真登絳闕天上微風忽動衣須臾五色霞亂飛珠
宮玉宇開黃道鳳節霓旌朝紫微覺來茫昧不可辨回

首風塵萬事非鼎內丹砂何日就空中黃雀幾時歸劉
仙客司馬氏西霧子都今何似欲从石上問白雲白雲
不語石不起拂衣願自謝人間共上青天脫雙屣

李邦稱字贊仲

天作龜茲大海隅棲真境界迥塵區北來蒼翠連華頂
南去風雲接雁湖窪墜瑤翎仙勝跡書藏金簡帝真符
八絃外嶠名齊列日色長臨郊自殊

空明洞

洞天遙傍五雲開遠地陰陰萬里迴羽客探幽聳檣返

仙娥乞火向明來門通紫氣分函谷觀厥華檐似玉臺
十大玄中標第二護持况是上真才

訪道士於委羽山中

應子芳字伯芸

家邑志作士芳

不乘海上桂星槎來訪龜茲道士家獨窅嘹雲水冷
九芝翳翳歲時賒步虛初罷還離雪燒藥曾成欲命鴉
最是人寰多白髮期君蚤晚一餐霞

王國英字季盈

琪花方石洞天寬千古仙人此煉丹虛事鼎鼎山下塚

白楊青草盡生寒

王義應字文寵

青山依郭外春日喜登臨把酒停花畔哦詩轉竹林
猿啼蒼木靜窈窕白雲沉蕭散空明境神仙不可尋

李邦和字希元秀才

三神海上列仙岑靈秀遙通古洞陰石室光分銀闕照
丹霞色並彩雲深空山有主傳司馬碧落何年返奉林
幾度月臨峯頂白祇疑窟馭可追尋

王良謨字伯文

陽春探勝跡桃李正芳妍對景人自醉不用杖頭錢
何時遠塵俗結屋空明前

王朝珉字尙獻

鳥語花開石徑閒峒門雲鎖對玄關瑤京望斷仙難
十日留連始出山

陳邦鎖字崇甫

此地神仙窟春陽結客游蒼新碑字綠松老洞門幽
八會何時啓三精此日求琅風清徹甚欲去更夷猶

李邦程字希式

俱依南岫遠塵囂洞闢空明向紫霄地勝遠分王屋秀
霞光高映赤城標鼎湖人公丹書窅縣圃風輕雀蓋遙
幾欲憑虛尋舊侶白雲深處望迢迢

張明 時字克學

空明炯晷嶺遍歷侶丹丘玉梵松間靜鐘聲雲外步
窈天漢法花發洞門幽尊中常使滿此地足淹留

自雁宕還李贊仲招游委羽

馮一 字字靜父臨海人

十日平湖覽勝還謫仙攜我復尋仙空明洞口流寒月

大有宮前散暝烟摘果青猿過額樹銜花白鹿下芝田
山風吹邨凡緣斷安得雲車駕遠天 還當作旋

李邦棧

昔年誰建彩霞旌玉軌遙遙上太清人世望縣飛御客
天風吹落步虛聲松橫古洞蒼烟合花傍仙源錦浪生
我亦當今李八百九華丹藥幾時成

辛順 命字秉畏

琪花爛熳洞門開控雀仙人去不回瑞井寒泉空浴日
古碑遺像半侵苔含烟弱柳維金勒笑客天樾映玉杯

一醉相攜尋墜旃樵人浪指白雲堆

王良侔字克沛

仙客騏驎飛飛上碧天曾傳遺一羽茲事幾千年壇
邊蕃竹樹洞口淡雲烟戀賞沽春酒無緣嚙玉泉

葉希賢字汝執

朝來古洞訪神仙雀去瑤京幾歲年惟有山中春色好
陶然且醉百花前

與林子彥游委羽

王萬年字彥邑

江邨客到正殘秋攜手來从委羽游觀厥林邊黃葉落
洞臨谷口白雲流蹉跎歲月雙蓬髯睥睨乾坤一敝裘
安得山中松釀滿與君沉醉破千愁

王鳴藎字汝念

羣山高峙海西頭委羽蒼蒼自一丘宇宙鴻名齊五岳
飄飄雀鼠已千秋松蘿古殿元君護苔蘚穹碑謝客留
家空洞門纔咫尺燒丹處晚更何求

胡昌臬字伯嘉

予本方內士衣布着葛巾一朝發清興迤邐入嶙峋云

是龜茲境窈窕莫與鄰方石峭無語瑤草結重茵中有
空明峒窅窅通三神名起鴻濛後得道非一人惟聳卵
金氏周日來脩真青龍與白虎燒丹不計春潭挈館隻
雀調習何其馴盤桓日不落玉翼霜毛新既可稱宗長
展爲君子身丹成雀夫公飛駕雙車輪乘風委一羽于
今跡已陳豈爲擇凡羽故墮山澗濱一羽輕微甚今古
名大振物自由人顯何必重千鈞所嗤浮世態徒羨羅
八珍百香恒駒隙不顧竟沉淪嗟我凡骨相瓊漿焉入
唇騏驥難再得無方登玉宸須期拾靈藥餐出區內勻

黃芽能自長舉手出風塵

重游

磨角消搖重覽勝俱依鬱鬱隱玄關潺湲泉切絃中調
靉靄雲開畫裏山春日客來花侶近古壇雀夫洞仍閒
自憐常抱炮霞癖觴咏斜陽却忘還

施文德字志育秀才

山帶郭斜松筠深護上清家客來十月風爲

千年雪作花來雀亭虛銜落日燒丹竈古覆

山樹處處多方石疑是當時九轉砂

九日友生招登委羽用杜韻

黃隱志字慶年秀才

憑憑高萬里海天寬三益同登一笑驩爲折黃花簪客髻
堪憐白首對儒冠煙舍洞口秋陰冷風度山樹夕吹寒
片石惟留仙相在手摹蒼蘚却難看

胡璉

字于經太平人秀才



春光妍麗絕風煙游戲空明洞裏天欲得至人傳異秘
先於浮世斷凡緣泐壇丹井脩真跡玉笈金箱太上篇
宗宗青山徒悵望千年雀馭幾時旋

李得春

字卡茂太平人

言尋勝跡入空明窈窕名山世界清黯淡亂雲歸邃壑
微茫踈雨過高城金壇古木玄猿嘯玉室殘碑蒼蘚生
憶昔僊人何處去瓊樓十二靜吹笙





安福山志

卷六

三

三

